



Amt für Volksschule und Sport
Uffizi per la scola populara ed il sport
Ufficio per la scuola popolare e lo sport

PREMISSAS D'ADMISSIUN

A l'examen d'admissiun vegnan admess scholaras e scholars da la 6. classa da la scola primara per entrar en la 1. classa da talent sco er scholaras e scholars da la 1. u da la 2. classa da la scola secundara u reala per entrar en la 2. resp. en la 3. classa da talent.

Ils suandants documents ston vegnir inoltrads a temp e cumpletta-main:

1. formular d'annunzia (tras las personas responsablas per l'educaziun)
2. mussaments da l'associaziun (tras l'associaziun chantunala)

Mussaments da l'associaziun: Sector da talent "sport"

L'associaziun chantunala grischuna da la disciplina da sport correspundenta u in'associaziun surordinada sto far ina valitaziun dal talent da mintga candidata annunziata resp. da mintga candidat annunzià. En quest connex vegn fatg in test PISTE (**P**rognostische **I**ntegrative **S**ystematische **T**rainer-**E**inschätzung, per rumantsch: valitaziun prognostica, integrativa e sistematica da vart dal trenader) tenor Swiss olympic/associaziun naziunala da sport. L'associaziun è responsabla per la clamada al test e per inoltrar ad ura ils documents. Quels cuntegnan – ultra da la valitaziun dal talent – la conferma da l'associaziun:

- conferma ch'ins po far quint en il futur cun in nivel da prestaziun aut
- cumprova d'ina promoziun individuala e sistematica ordaifer la scola d'almain 10 uras per emna durant l'ultim mez onn avant l'annunzia per l'examen d'admissiun
- garanzia che la promoziun ordaifer la scola vegnia surpigliada e ch'ina cunvegna da partenadi correspundenta vegnia fatga da l'associaziun u d'ina da sias uniuns commembras a partir da l'entrada en la classa da talent

Mussaments da l'associaziun: Sector da talent "musica"

L'associaziun da las scolas da chant e da musica dal Grischun (ACMG) u in'associaziun surordinada sto far ina valitaziun dal talent da mintga candidata annunziata resp. da mintga candidat annunzià. En quest connex vegn fatg in test ch'è vegnì concepì per quest intent da la ACMG. L'associaziun è responsabla per la clamada al test e per inoltrar ad ura ils documents. Quels cuntegnan – ultra da la valitaziun dal talent – la conferma da l'associaziun:

- conferma ch'ins po far quint en il futur cun in nivel da prestaziun aut
- cumprova d'ina promoziun individuala e sistematica ordaifer la scola d'almain 10 uras per emna durant l'ultim mez onn avant l'annunzia per l'examen d'admissiun
- garanzia che la promoziun ordaifer la scola vegnia surpigliada e ch'ina cunvegna da partenadi correspundenta vegnia fatga da l'associaziun u d'ina da sias uniuns commembras resp. d'ina da sias scolas commembras a partir da l'entrada en la classa da talent